

NOTAT

20. juni 2013

Vores reference:

Sag 2013000090

Søfartspolitik, Jura
og Søfartssociale
forhold (SJS)
/KRR

Naalisagaq imarsiornerup isumannaatsuunissanik inatsisip allannguutaasa ilaasa Kalaallit Nunaanni atuutilersinnissaat pillugu

1. Peqqussutip imaa

Imaani isumannaatsuunissaq pillugu inatsisip allannguutai arlallit Kalaallit Nunaanni atuutilersinneqareerput kingullermik kunnigip peqqussutaatigut nr. 71 januaarip 31-anni 2013-imeersukkut. 2012-2013-imi imaani isumannaatsuunissamik inatsisip allannguutai sulii allat Folketingip akuersissutigai massakkullu taakkua siunnersuutigineqarput kunnigip peqqussutissaatut ilanngunneqartukkut Kalaallit Nunaanni atuutilersinneqassasut.

Kunnigip peqqussutissaatut missiliuut Kalaallit Nunaanni atuutilersinneqassaaq pissutsit Kalaallit Nunaanni atuuttut maleqqussarnerisigut aalajangersakkat makku nutaat aalajangersagartaliullugit:

- § 3, nr. 1, inatsimmi nr. 618, 12. juni 2013-imeersumi imarsiornermik inatsisip allannguutai inatsisillu assigiinngitsut allat pillugit (nunat issittut imartaani imarsiornerup isumannaatsuutinnissaanut piimasaqaatit sakkortusisat).
- § 59 inatsimmi nr. 1231, 18. december 2012-imeersumi qarasaasiakkut assigisaatigullu attaveqaqquusaaneq pillugu inatsisitigut aalajangersakkat assigiinngitsut allannguutaat pillugit (Qarasaasiakkut attaveqaqquusaaneq).
- § 5 inatsimmi nr. 1384, 23. december 2012-imeersumi imarsiornermik inatsitip allannguutai pillugit, sissamut tipinikkut umiusarnermik inatsimmut tapiliussaqa pillugu inatsit 10. april 1895-imeersoq, umiarsuit inuttaat pillugit inatsisit aamma inatsisit allat assigiinngitsut kiisalu innuttaasut namminneq angallataasa nalunaarsortarnerannut akitsuutit pillugit inatsisip atorunnaarsinneqarneranik inatsit (Umiarsuarmi issimasut annaanniarnissaanut umiarsuup naalagaata pisussaaffiinik aamma Søfartsstyrelsip nakkutilliinissaanik kinguneqartitsisarneq).

2. Allannguutit imaat

SØFARTSSTYRELSEN

Carl Jacobsens Vej 31
2500 Valby

Tlf. 91 37 60 00

Fax 91 37 60 01

CVR-nr. 29 83 16 10

EAN-nr. 5798000023000

sfs@dma.dk

www.sofartsstyrelsen.dk

ERHVERVS- OG VÆKSTMINISTERIET

2.1. Inatsit nr. 618, 12. juni 2013-imeersoq imarsiornermik inatsisip aamma inatsisip allat assigiinngitsut pillugit

Imarsiornerup isumannaatsuunissaanik inatsimmi § 3, imm. 3-kkut nutaakkut, inatsisip allannguutaatigut § 3, nr. 1-kkut ikkunneqartukkut umiarsuit Kalaallit Nunaata eqqaani angalasut immikkut navialisinnaanerat eqqarsaatigalugu inuussutissarsiutinut ineriartornermullu ministerip piumasaaqatinik sakkortusisanik aalajangersaasinnaanera annertusitillugu.

Aallaqqaamut siunniunneqarpoq piumasaaqatit sakkortusisat aalajangersarneqassasut, matumani ilanngullugit eqqarsaatigalugit umiarsuit Kalaallit Nunaata imartaani angalasut 250 sinnerlugit ilaasullit ilisimasortaqaartussaataaernerat. Kingusinnerusukkulli piumasaaqatit sakkortusitinneqarsinnaapput assersuutigalugu umiarsuarnut navianartunik usilinnut nunat issittut avatangiisaannut immikkut ajoqusiisinnaasunik. Aalajangersakkami eqqarsaatigineqarpoq umiarsuit ilaasartaatit angisoorsuit Kalaallit Nunaata eqqaani angalanerisa isumannaatsuutinissaasa sakkortusitinneqarnissaanik kissaateqarneq. Taamaalilluni ullumikkut inatsisitigut annertuumik tunngavissaqareerpoq imarsiornerup isumannaatsuutinissaannik inatsimmi piumasaaqatinik aalajangersaanissamut.

Kunngip peqqussutissaatut missiliummi aalajangersagakkut allannguuteqartinneqanngitsukkut taanna Kalaallit Nunaanni atuutilersinneqarpoq.

Inatsisip allannguutaasa pingaarutaat eqqarsaatigalugit erseqqinnerusumik paasisaqarfiginissaannut innersuussutigineqarput inatsisinut nassuiaatini ilanngunneqartuni L 154-imi § 3, nr. 1, inuussutissarsiutinut ineriartornermullu ministerimit ulloq 27. februar 2013-imi saqqummiunneqartut.

2.2. Inatsit nr. 1231, 18. december 2012-meersoq qarasaasiakkut assigisaatigullu attaveqaqqusaaneq pillugu inatsisitigut aalajangersakkat assigiinngitsut allannguutaat pillugit.

Imarsiornerup isumannaatsuunissaanik inatsimmi §§ 17a-17b-kkut inatsisip allannguutaatigut § 59-kkut ikkunneqartumi pisortat qarasaasiakkut attaveqaqqusaanerannik inatsisitigut tunngavissat pillugit aalajangersakkakkut iluarsiivigineqartassapput. Inatsisip allannguutaat annertuutigut massakkut inatsisitigut tunngavissamik ingerlatitseqqinneruvoq suliffeqarfiit inatsit malillugu imaluunniit inatsit naapertorlugu malittarisassiat malillugit Søfartsstyrelsimut nalunaaruteqartussaataaernerisa – assersuutigalugu umiarsuit ilaasa misissorneqartussat nalunaarutiginissaannut malittarisassiuunnissaannut.

Kunngip peqqussutissaatut missiliiutikkut aalajangersakkat allannguuteqartinnaq Kalaallit Nunaanni atuutilersinneqarput.

Inatsisit allannguutaasa pingaarutaat eqqarsaatigalugit erseqqinnerusumik paasisaqarfiginissaannut innersuussutigineqarput inatsisinut nassuiaatini ilanngunneqartuni L 16-imi § 59, inuussutissarsiutinut ineriartornermullu ministerimit ulloq 3. oktober 2012-imi saqqummiunneqartut.

2.3. Inatsit nr. 1384, 23. december 2012-meersoq imarsiornermik inatsisip allannguutai pillugit, sissamut tipinikkut umiusarnermik inatsimmut tapiliussaag pillugu inatsit 10. april 1895-imeersoq, umiarsuit inuttaat pillugit inatsisit aamma inatsisit allat assigiinngitsut kiisalu innuttaasut namminneq angallataasa nalunaarsortarnerannut akitsuutit pillugit inatsisip atorunnaarsinneqarneranik inatsit pillugu.

Imarsiornerup isumannaatsuunissamik inatsimmi nutaami § 29, imm. 3, inatsisip allannguutaatigut § 5-kkut ikkunneqartoq periarfissiivoq umiarsup naalagaa pillaammik pineqaatissinneqarsinnaasoq taanna umiarsup imaaniitsilluni ajornartorsiulereerneratigut umiarsuarmi issimasut anaanniarnissaannut pisusssaaffimminik naammassinissimangippat.

Aalajangersagaq imarsiornerup isumannaatsuunissaanik inatsimmi § 30-mit isumassarsiaavoq, assersuutigalugu umiarsuit apornerisigut umiarsuup aappaani issimasut ikiorsernianginnerannut pillaammik pineqaatissinneqarnissamat. Aalajangersakkami umiarsuup naalagaata akisussaaffia sakkortusisinneqarpoq aalajangersagarlu piviusuunngortinneqarpoq umiarsuup takornariartaatip Costa Concordiap januar 2012-imi Italiap sineriaani umiunerani ilaasut 34 ajunaarmata inuillu 64 annertuumik ajoquserneqarmata.

Kunngip peqqussutissaatut missiliummi aalajangersagaq Kalaallit Nunaanni pissutsinut naleqqussagaavoq kalaallit pinerluttulerinermut inatsisaat malillugu umiarsuup naalagaa pineqaatissinneqarsinnaalluni.

Imarsiornerup isumannaatsuunissaa pillugu inatsimmi § 20 a, inatsisip allannguutaani § 5-kkut iluarsivigineqartoq, periarfissiivoq, umiarsuit umiarsuaateqarfiillu imarsiornermi inatsisit arlallit allat avatangiisillu pujortarfiunngitsut pillugit inatsisit ilanngullugit Søfartsstyrelsip nalinginnaasumik misissuisarnissaanut. Kunngip peqqussutissaatut missiliummi aalajangersagaq Kalaallit Nunaanni pissutsinut naleqqussagaavoq imaalillugu, umiartortut atorfinitsitaasarnerat pillugu inatsit aamma avatangiisit pujortarfiunngitsut pillugit inatsit Kalaallit Nunaanni atuutinngitsut malillugit pineqartuni misissuisarnissat peqqussummi ilanngunneqassanngitsut. Aamma EU'p peqqussutaasa malitsinnissaannut Danmarkimi nakkutilliisinnaatitaaneq peqqussummi ilanngunneqanngilaq.

Inatsisit allannguutaasa pingaarutaat eqqarsaatigalugit erseqqinnerusumik paasisaqarfiginissaannut innersuussutigineqarput inatsisinut nassuiaatini

ilanngunneqartuni L 40-imi § 5, inuussutissarsiutinut ineriartornermullu ministerimit ulloq 24. oktober 2012-imi saqqummiunneqartut.

Ilanngussat:

- Imarsiornerup isumannaatsuunissaanik inatsisip allannguutai pillugit inatsisit Kalaallit Nunaanni atuutilersinnissaannut missiliuut.
- Imarsiornerup isumannaatsuunissaannik inatsisip allannguutaanut nassuiaatit peqqummut ilanngunneqartut.
- Imarsiornerup isumannaatsuunissaanik inatsit pillugu peqqussummut nalunaarutissatut missiliuut.